

BEATIFICATIO.
SERVI DEI FRATRIS
PETRI DE ALCANTARA OR-
DINIS MINORVM REGVLARIS
obseruantia Discalceatorum, fundatoris Prouinciæ Sancti
Iosephi in Regno Castellæ.

GREGORIUS PP. XV.

AD PERPETVAM REI MEMORIAM.

IN Sede Principis Apostolorum, nullis licet nostris sufragantibus meritis à Domino constituti, pijs fidelium votis, quibus virtutum Dominus in seruis suis honorificatur, libenter annuimus, eaq; fauoribus prosequimur opportunis. Cum itaque instantibus non solum claræ memoriæ PHILIPPO. III. & Charissimo in Christo filio nostro PHILIPPO. IIII. Hispaniarum Regibus Catholicis, sed etiã ferè omnibus Hispaniæ Regnis, Venerabiles fratres nostri S. R. E. Cardinales, sacris Ritibus præpositi de mandato nostro causam serui Dei Petri de Alcantara Ordinis Minorum strictioris obseruantia Discalceatorum nuncupatorum, ac Prouinciæ Sancti Iosephi eiusdem Ordinis fundatoris, iuxta seriem relationis triumcausarum Palatii Apostolici Auditorum ad effectum canonizationis pluries examinauerint, ac multis de super habitis sessionibus referente dilecto filio nostro Marco Antonio tituli Sancti Eusebii Presbytero Cardinale Gozzadino nuncupato plenissimè constare de validitate professuum, fama Sanctitatis, fide, puritate, ceterisq; virtutibus non in genere solum, sed etiam in specie, reliquiarum ac sepulchri veneratione, plurimiq; tandem miraculis pronuntiauerint, censuerintq; posse, Nos, quando documq; voluerimus eundem Dei seruum iuxta Catholicæ Ecclesiæ ritum, Sanctum atque in Cælis Regnantem declarare, omninoq; fidelibus solemnem canonizationem proponere venerandum. Prædictus verò PHILIPPVS IIII. Rex, & dilecti filij Minister Generalis, & fratres Ordinis prædicti, Nobis humiliter supplicari fecerint, vt donec ad Canonizationem dicti Petri deueniatur, idem Petrus Beatus nuncupari, ac de eo tanquam de Confessore non Pontifice Missam, ac Officium, vt infra celebrari, & recitari respectiuè possit, indulgere de benignitate Apostolica dignaremur. Nos supplicationibus huiusmodi inclinati, de eorundem Cardinalium consilio, vt idem Dei seruus Petrus de Alcantara in posterum Beatus nuncupari, atque deo tanquam de confessore non Pontifice die XIX. Octobris, qua ipsius obitus memoria celebrabitur, vbi quæ terrarum ab vniuersa Religione Minorum obseruantium vtriusquæ sexus respectiuè Missa celebrari atq; Officium recitari possit. In Oppido verò de Alcantara nullius Diocesis vbi natus, atque in altero de Arenas Abulen. Diocesis vbi corpus eiusdem requiescere accepimus, omnibus tam regularibus quam secularibus Clericis, sub ritu tamen semiduplici, idem omnino liceat, ac demum in Prouincia prædicta Sancti Iosephi, cuius auctor extitit, ab ipsi dicti Ordinis Discalceatorum Fratribus etiam cū octaua, veluti de Patrono, Officium pariter ac Missa iuxta Breuiarij, ac Missalis Romani rubricas celebrari possint, Apostolica auctoritate tenore præsentium perpetuò concedimus, & indulgemus. Non obstantibus constitutionibus, & ordinationibus Apostolicis, ceterisq; contrarijs quibuscunquè. Volumus autem, vt præsentium transumptis, etiam impressis, manu alicuius Notarij publici subscriptis, & sigillo personæ in dignitate Ecclesiastica constitutæ munitis, eadem prorsus fides adhibeatur, quæ præsentibus adhiberetur, si forent exhibitæ, vel ostensæ. Datum Romæ apud Sanctum Petrum sub annulo Piscatoris die XVIII. Aprilis 1622. Pontificatus nostri anno secundo.

S. CARD. S. V. S. ANNÆ.

ROMÆ Ex Typographiæ Reu. Cameræ Apostolicæ. M. DC. XXII.

Con Licencia del Señor Prouisor, en Lima por Geronymo de Contreras. Año de 1623.

